




## Klausa

Klausa ialah rangkaian perkataan yang mengandungi satu subjek dan satu predikat, dan mempunyai potensi untuk menjadi ayat.



### 1. Klausa bebas

- dapat berdiri sendiri
- bersifat sebagai ayat lengkap, iaitu terdiri daripada bahagian subjek dan predikat
- Contoh:

<b>Zahid</b>	<b>tidak datang.</b>
<b>subjek</b>	<b>predikat</b>

Ungkapan *Zahid tidak datang* boleh juga menjadi sebahagian daripada ayat yang lebih luas, misalnya:

**Zahid tidak datang kerana dia amat letih.**

<b>Zahid tidak datang</b>	<b>kerana</b>	<b>dia</b>	<b>amat letih</b>
	<i>kata hubung</i>	<i>subjek</i>	<i>predikat</i>
<b>Klausa bebas/ Klausa utama</b>	<b>Klausa tak bebas/ Klausa kecil</b>		

Perhatikan tiga contoh lagi. Bahagian yang dicetak condong ialah klausa bebas, manakala yang dicetak biasa ialah klausa tak bebas:

1. *Philip guru sekolah* sewaktu bapa saya bertugas di kampung itu.
2. *Pegawai itu melaporkan (sesuatu)* bahawa mesyuarat telah diadakan seminggu lalu.
3. *Kami menonton drama* yang dikarang oleh Jayden.



## Latihan 1

Gariskan **klausa bebas** dalam ayat-ayat berikut.

1. Dia yakin bahawa dia akan berjaya dalam ujian itu.
2. Billy tiba di rumah Samuel tatkala Samuel sedang mandi.
3. Adik membaca cerpen yang ditulis oleh Faisal Tehrani.
4. Sewaktu Sandy tiba di rumah Adeline, Adeline sedang mandi.
5. Abang pergi ke kedai itu kerana dia hendak membeli buku.
6. Ayah membaca surat khabar sementara menunggu ibu bersiap.
7. Hong Hui tidak mahu berehat selagi kerjanya belum siap.
8. Jika cuaca buruk, penerbangan kami terpaksa ditangguhkan.
9. Semua murid diwajibkan menyertai program itu kecuali yang sakit.
10. Firdaus masuk ke bilik bacaan lalu dia membaca buku.



## Latihan 2

Gariskan **klausa tak bebas** dalam ayat-ayat berikut.

1. Bapa sentiasa berdoa agar kami sekeluarga sihat.
2. Walaupun hujan lebat mereka terus bermain.
3. Bapa memakai baju yang baru dibeli oleh emak.
4. Cikgu Lim memberitahu murid-murid bahawa pertandingan itu akan diadakan minggu depan.
5. Cikgu Philip mengajar murid-murid sehingga murid-murid pandai.
6. Semasa saya lalu di depan rumahnya, Amelia sedang menyiram pokok bunga.
7. Kami berharap agar pihak polis dapat memberkas penjenayah itu.
8. Nenek menangis apabila berita sedih disampaikan kepadanya.
9. Sebelum membuat keputusan, berfikirilah dahulu semasak-masaknya.
10. Jam tangan itu cantik tetapi harganya terlalu mahal.



### Latihan 3

Cuba kamu senaraikan **klausa bebas** dan **klausa tak bebas** dalam ayat di bawah.

1. Pokok condong itu akan ditebang apabila kebenaran diperoleh.

Klausa bebas: \_\_\_\_\_

Klausa tak bebas: \_\_\_\_\_

2. Ramli tetap meneruskan perjalanannya walaupun kakinya sakit.

Klausa bebas: \_\_\_\_\_

Klausa tak bebas: \_\_\_\_\_

3. Encik Philip mengunci pintu rumahnya sebelum dia pergi ke pejabat.

Klausa bebas: \_\_\_\_\_

Klausa tak bebas: \_\_\_\_\_

4. Pak Salleh membaca buku sementara menunggu ketibaan bas.

Klausa bebas: \_\_\_\_\_

Klausa tak bebas: \_\_\_\_\_



5. Pihak bank akan menyenaraihitamkan namanya selagi dia tidak melangsaikan hutangnya.

Klausa bebas: \_\_\_\_\_

Klausa tak bebas: \_\_\_\_\_

6. Fendi tidak datang kerana basikalnya rosak.

Klausa bebas: \_\_\_\_\_

Klausa tak bebas: \_\_\_\_\_

7. Murid-murid tidak boleh berbuat bising ketika guru sedang mengajar.

Klausa bebas: \_\_\_\_\_

Klausa tak bebas: \_\_\_\_\_

8. Pak Mat masih bekerja walaupun usianya sudah lanjut.

Klausa bebas: \_\_\_\_\_

Klausa tak bebas: \_\_\_\_\_